

Pônitân



Kidâ-gashkiyewiz apîch pônitân.

Âkoziwîwemagad iye nicotine. Apîch tash pônitân, kiga-mânamandjiw: kiga-bigami-nishkâdenindamâse, kâ'n kiga-wî-nibâsî, kiga-gibisigajî, ozosidam kinawe, kiga-wî-wîsin. Nîjwâsogon ako mitâsogon minigik kigad-ayind ashidj kidâ-gashkitô nanâkonaman. Nayâginâ kikenindaman ked-ayindiye kidâ-wîdôkâgon ke-dôdaman kidji-gashkiyewizin pônitân.

KAGWEDJIM KIDANDOKONINÎM KIDJI-WÎDÔKÂG ÂNÎN KE-DÔDAMAN ASHIDJ ÂNÎN KED-AYIJÎN PÔNITÂN.

PÔNITÂNIWANG: WÎDÔKÂWÂDJIMOWINAN ASHIDJ ÂBADJITÔWINAN

NISIDOTAMAN AWEGONEN WENDJI-ZAGASWÂN: Kagwe nisidotan awegonen wendji-zagaswân kidji-dash-gikenindaman ked-ayijîn apîch pôni-zagaswân. Ojibîhan awegonen wendji-zagaswân ashidj pôni-zagaswân. Midonenindan kego nâsâb igodj: ejinâgozin, kimino-bimâdiziwin, eji-gashkiyewizin, kigîjîkâzowin, ashidj kibabâmâdiziwin... Midonenindan awegonen wendji-apîtenindâgok.

Kigad-inenindiz konima mânewayagak wendji-zagaswân... anisha tash kinawe kada-mânewayagad wendji-bônitân.

PÔKWAHAN KODAGAN INÂSHÎDIZOWINAN: Apîch kî-gwayakwenindizoyen awegonen wendji-zâgaswân, kiga-gikenindiz awegonen wendji-wî-zagaswân. Kiga-gikenindân pikân ked-iji-odâpinidizon. Nâsâb igodj, kîshpin nagadizin ozâhînswâbo minikwen mâmawe kibîmibaninigan, anîbîshwâbo meshkod minikwen.

ONDJIDÂ IJICHIGEN KIDJI-BÔNITÂN: Nakawe, mâmakâdj ke-debweyenindaman inâshizî. Mî tash kidji-wîndamawadwâ kiwîdjikiwenyag ashidj kidôdemag misawenindaman wî-bônitân ashidj andawenimadwâ kidji-âsokôkwâ ashidj kidji-wîdôkôkwâ.

NANDA-GIKENINDIZON: Kidji-bwâmashe kashkiyewizin pônitân, mâmakâdj nakawe ked-inenindizoyen tânâsag kî-bônitân. Wayedâdj odâmîn nakawe kidji-wendizin apîch ijinâgok kidji-mangî-odâmîn—kâ'n tesh sakawiyegen kibîmibaginigan konima kaye nônd iji-wîkwam.

KÎJENINDAN PÔNITÂ-GÎJIG: Midonenindan ândî ke-daniziyen ashidj ked-inanokîn maya iyâpîch. Nawajônân kîjig maya apîch eyâkawe inanokîn kego. Ojibîhan tash kigîziso-mazinahiganing. Kinawe konima kidâ-wendiz pônitân kîshpin ojibîhaman.

ESHÔWÎN ONDJE PÔNITÂ-GÎJIG ASHIDJ AWASINAKÂG: Pagosenindan ashidj nanâkonan kidinenindamâwin pigamishkâgoyen. Kâwin wî-daniziken ked-iji-bigamishkâgoyen wî-zagaswân. Kego tôdan menwenindaman kidji-bimosemagak kîjig. Ashidj tash nayâginâ kikenindân kidândâdiziwin. Apîch oshki-bônitân konima kigad-agwaskîwenindam konima kaye kigad-ânimiz nibâyen. Mî iye kiwîyaw ândjisegwen akoshkâg nicotine.

ÂBADJI-BÔNITÂN SAGASWÂN: Andagâdj kashkiyewizin pôni-zagaswân. Kâ'n kego wîn 'e kîshpin ningodin nîjin kidagodjinan. Eta igodj mîgâdan kimadenindamâwin mâmawe kiminwenindamâwin.



Ontario